

ИНФЛЯЦИОН ТАРГЕТЛАШ

наrx барқарорлигини таъминлашда муҳим аҳамиятга эга

Инфляция, унинг сабаб ва оқибатлари билан тўқнаш келмаган мамлакат бўлмаса керак. У дунёнинг аксарият давлатлари иқтисодийги учун тўғри маънода энг "оғрикли" масалалардан бири сифатида эътироф этилади. Шу боис унинг сабаб ва оқибатларини самарали бартараф қилиш йўллари ҳеч қачон долзарблигини йўқотмайди.

Президентимизнинг 2019 йил 18 ноябрдаги "Инфляцион таргетлаш режимига босқичма-босқич ўтиш орқали пул-кредит сибсатини такомиллаштириш тўғрисида"ги Фармони ҳам айни шу мақсадда қабул қилинган муҳим ҳужжатдир. Унга кўра, Марказий банк инфляция даражасини 2021 йилда 10 фоизгача пасайтириш ҳамда 2023 йилда 5 фоиз даражадаги доимий инфляция мақсадни (таргет) ўрнатиш йўли билан 2020 йилнинг 1 январидан бошлаб пул-кредит сибсати механизмларини босқичма-босқич инфляцион таргетлаш режимига ўтказди.

Таҳлил

Янги стандартга асос бўлган тизим

Инфляцияни таргетлаш инглизча "inflation targeting" сўздан олинган бўлиб, унинг пировад мақсади — пул-кредит сибсати режими, унинг яқиний мақсади нархлар барқарорлигини таъминлаш ҳисобланади.

Инфляцияни таргетлаш тизимининг муаллифи, таникли швед иқтисодчиси Юхан Густав Кнут Виксвель "Агар нархлар кўтарилса, фоиз ставкасини ошириш керак, нархлар тушса, фоиз ставкаси пасайтирилиши керак. Фоиз ставкалари нархларнинг ўзгариши кейинги ёки бошқа йўналишда ўзгаришни талаб қилгунга қадар уни янги даражасида ушлаб туриш керак", деган тўғри илғари суради.

Инфляцияни таргетлаш тизимига ўтган эсрнинг 80-йилларида биринчи бўлиб Янги Зеландия ва Канада ўтишга қарор қилди. Кейин Буюк Британия, Финляндия, Швеция, Австралия ва Испания уларга қўшилди. Мазкур тизимнинг кенг тарқалиши пул-кредит сибсатида янги стандарт яратди. Натижада 2017 йилда инфляцияни таргетлаш тизимини дунёнинг 38 мамлакатиде, жумладан, Япония ва Европа ҳудудларида ишлай бошлади.

Энг муҳими, 1997-1998 йиллардаги Осиё молиявий инқирозидан кейин инфляцион таргетлаш дунёнинг ривожланаётган мамлакатлари орасида машҳурликка эришди. 2017 йил ҳолатига кўра, ушбу тизим тарафдорлари орасида ривожланаётган давлатларнинг улуши 73 фоизга етиб, Осиё мамлакатлари ҳисобига кўрсаткич ўсишда давом этмоқда.

Иқтисодий соғлом муҳит яратиш зарур

Умуман олганда, Марказий банкка инфляция керакми? Истеъмолчилар нуқтаи назаридан, инфляциянинг умуман бўлмаслиги, нархлар кўтарилиши ўрнига пасайиши, яъни дефляция ҳолати жуда яхши натижадир. Аммо иқтисодий назарияга кўра, бу — жуда хавфли жараён. Сабаби, у истеъмолга зарар етказди. Одамлар бирон-бир маҳсулот нархининг келгусида арзонлашишини тахмин қилса, маълум вақт давомида харид қилмайди. Бу эса товар, пул айланмаси жараёнларини сезиларли даражада секинлаштиради. Шунинг учун марказий банклар инфляция ва дефляция билан курашишга ҳаракат қилади. Шу боис инфляция ва дефляция ўртасида танлов қилиш керак бўлса, ўртача инфляция афзалроқдир.

Асосий қийинчилик, бу — нархларнинг ўртача даражада кўтарилиши учун иқтисодий соғлом муҳитни яратиш ва бунинг учун инфляцион таргетлаш тизимидан фойдаланишидир. Марказий банк кредит беришни рағбатлантириш ва иқтисодий ўсишга ундаш учун асосий ставкани пасайтиради. Агар иқтисодий ўсиш сезиларли даражада кузатилса, унда талаб бозордаги тақлифдан юқорига чиқади. Бу нархнинг ошишига сабаб бўлади.

Аммо бошқа омиллар ҳам нархларнинг кўтарилишига олиб келиши мумкин. Масалан, бу валюта курсининг ўзгариши ёки бошқа ҳолатлар. Инфляцияни режалаштирилган даражада ушлаб туриш эса Марказий банкнинг энг асосий вазифаларидан биридир.

Жамиятнинг иқтисодий-иқтисодий жабжаларидаги нархлар тебранишини юқори даражадаги аниқлик билан ас эйтириш муҳим аҳамиятга эга. Шунинг учун мамлакатимизда ҳам жохон тажрибасидан келиб чиқиб, инфляция даражасини ас эйтирувчи асосий кўрсаткичлардан бири — истеъмол нархлари индекси кузатувлари статистика органлари томонидан амалга оширилади.

Кузатувдаги товар ва хизматлар тўплами янада кенгайди

Ўзбекистонда Халқаро валюта жамғармасининг техник ёрдами билан 1994 йилдан бошлаб истеъмол нархлари индексларини ҳисоблаш тизими жорий этилган. Дастлаб ҳисоб-китоблар бўйича кузатувдаги товарлар ва хизматлар рўйхати 285 та маҳсулотдан ташкил толган бўлса, бозор иқтисодиётининг реал талабларидан келиб чиқиб, ушбу рўйхат 2012 йилда 305, 2017 йилда 350, 2018 йилдан эса 386 тага кенгайтирилди.

Сўнгги йилларда статистика соҳасида амалга оширилаётган ислохотлар натижасида 2020 йилдан бошлаб товарлар ва хизматлар тўплами сони 510 тагача кенгайтирилди. Статистика соҳасида дунёнинг етакчи мамлакатлари ҳамда халқаро ташкилотларнинг тавсияларига асосан, ушбу рўйхатнинг кенгайтирилишидан кўзланган асосий мақсад умумий инфляцион кўрсаткичнинг шаклланишида аниқ турдаги товарлар ва хизматлар таъсири даражасини янада аниқроқ баҳолашдир.

Шу ўринда савол туғилиши табиий: авваллари инфляцияга таъсир қилувчи товарлар ва хизматлар нархлари ўрганилмаганими? Гап шундаки, бугунги кунда амалдаги маҳаллий таснифлагичга асосан,

истеъмолдаги товарлар ва хизматлар содда қилиб айтганда, "микродаражадаги гуруҳлар каби шакллантирилган.

Бугунги кунда соҳада амалга оширилаётган ислохотлар туфайли тизим иш фаолиятида нархларни рўйхатга олиш жараёнларида замонавийлаштириш, шу билан бирга, инсон омил натижасида вуқудга келиши мумкин бўлган хатоликларни самарали бартараф этиш мақсадида янги электрон дастурлар ва курилмалардан (планшетлардан) кенг фойдаланишни жорий этиш мақсад қилиб белгиланган. Бу эса, ўз навбатида, тизим иш фаолияти самарадорлиги ҳамда тезкорлигига, ортиқча ресурсларнинг сарф-харажатлари қисқартирилишига икбий таъсир кўрсатади.

Бундан ташқари, мамлакатимиз ҳукумати томонидан озик-овқат хавфсизлигини таъминлаш масалалари бўйича ишлаб чиқилган бир қатор чора-тадбирлар ижроси юзасидан барча шаҳар ва туманлар кесимида асосий турдаги озик-овқат маҳсулотлари нархлари мониторинглари доимий равишда олиб берилмоқда. Шу ва шунга ўхшаш ташкил этилган бир қатор нархлар кузатувининг пировад мақсади шуки, жамиятимизнинг истеъмол секториде кузатилаётган нархлар тебраниши ҳолатлари юзасидан тезкор ахборотларни шакллантириш ҳамда унинг натижалари бўйича ҳукумат идораларини хабардор этишдир. Эеро, ушбу шаклланаётган маълумотлар асосида мутасадди вазирлик ва идоралар нархларнинг асосий қимматлаштиришининг олдини олиш бўйича аниқ амалий тадбирларни ишлаб чиқишлари учун хизмат қилади.

Қисқача айтганда, инфляция қўй қирғали ҳадисадир. Унинг олдини олиш эса инфляцион таргетлаш тартиб-таомилларининг нечоғли қўлланилишига боғлиқ.

Мухтор УМАРОВ,
Давлат статистика қўмитаси
наrxлар статистикаси бошқармаси
бошлиғи.

Усмон АБДУРАСУЛОВ,
қўмита ахборот хизмати раҳбари.